

Тошкентдаги Шайх Мұҳаммад Содик Мұҳаммад Юсуф номидаги масжидда илк таровеҳ намози үқилди



22:37 / 11.05.2019 6649



Жорий йилнинг 10 май куни Ўзбекистон Республикаси Президенти Шавкат Мирзиёев пойтахтимиздаги Шайх Мұҳаммад Содик Мұҳаммад Юсуф номидаги мажмуа ташриф буюрган эди.

Давлатимиз раҳбари ташаббуси билан барпо этилган ушбу мажмуа барча мўмин-мусулмонлар учун Рамазон тухфаси бўлди, десак муболаға бўлмайди. Мажмуанинг дикқатга сазовор жиҳати, у барча қулайликларга эга, кенг ва шинам тарзда барпо этилганидир.

Бугун 2019 йил 11 май куни янги масжиднинг очилиш маросими бўлиб ўтди. Масжидга Ўзбекистон мусулмонлар идораси раиси, муфтий Усмонхон Алимов ташриф буюриб, мусулмонларни янги масжид ва Рамазон ойи билан муборакбод этди. Шундан сўнг, муфтий масжидга йиғилганларга янги тайинланган имом-хатиби таништириб ўтди. Масжидга Шайх Мұҳаммад Содик Мұҳаммад Юсуф ҳазратларининг фарзандлари Исмоил Мұҳаммад Содик имом-хатиб бўлдилар. Қисқа таништирув ва маърузалардан кейин, муфтий Усмонхон Алимов бошчилигига илк таровеҳ намози адо этилди.


Исмоил Мұхаммад Содиқ 1976 йилда Тошкент шаҳрида таваллуд топған. 1994 йил «Исломий даъват куллияси»га ўқишига кирди. Түрт йил бакалавр босқичида, сўнг икки йил магистратурада ўқиб, 2001 йили ушбу куллияни тамомлади. Шундан сўнг, элчихоналарда, диний таълим муассасаларида, нашр ишларида, сайт хизматларида ва таълим марказларида фаолият олиб борди. Ҳозирда Исмоил Мұхаммад Содиқ «Ҳилол нашр» матбаа нашриёти раҳбари. У киши расмий илм даргоҳларидан ташқари ўз оталари Шайх Мұхаммад Содиқ Мұхаммад Юсуф роҳимаҳуллоҳдан ҳам кўп таълим олган. Хусусан, «Тафсири Насафий» ва «Саҳиҳи Бухорий»дан ижоза олган. «Олтин Силсила»нинг таржимонларидан бири. Шайх ҳазратларининг барча китобларининг ношири ҳисобланади.


















www.hazratim.uz




[@hazratim.uz](https://www.facebook.com/hazratim.uz)



[@hazratim_uz](https://www.instagram.com/hazratim_uz)



t.me/hazratim_uz



www.hazratim.uz



[@hazratim.uz](https://www.facebook.com/hazratim.uz)



[@hazratim_uz](https://www.instagram.com/hazratim_uz)



t.me/hazratim_uz









www.hazratim.uz



[@hazratim.uz](https://facebook.com/hazratim.uz)



[@hazratim_uz](https://instagram.com/hazratim_uz)



t.me/hazratim_uz